


湖南府縣志輯

中國地方志集成

光緒道州志
同治江華縣志



K296.4
10
34

中國地方志集成

湖南府縣志輯 ④⑧

光緒道州志

同治江華縣志

江蘇古籍出版社●上海書店●巴蜀書社

道州志敘

州古春陵地也歷代以來或為路
或為郡或為縣沿革各殊迨明
洪武初始定今名隸永州府

國朝因之雖壤接桂林屬湖南邊徼
而月巖雲石瀟水瀘溪瀟洲所鍾

道州志 序

一

人文斯蔚故元公周子篤生於一千
四百餘年之後得不傳之學於遺
經獨於秦灰既燼之餘以興起斯文
為已任辨異端闢邪說使聖人之道
煥然復明於世迄今讀太極易說
易通諸書猶穆然想見其為人高

山仰心景行行心而知其短於取名

而樂於求志薄於徼福而厚於得民
非於奉身而燕及惇獨陋於希世
而尚友千古者誠為百世師也矧
冠平仲蔡季通轍迹淹留餘韻流
風足令頑廉而懦立薄啟而鄙寬乎

道州志 序

二

余生也晚嘗私泚深之以不得親炙
為憾今以樗櫟作牧於茲思夫元
次山之念遺黎薛景晦之烹小鮮
陽亢宗之勞撫字未之逮也而有志
焉政暇進都人士而課之見其濟濟
翼翼倚馬萬言竊嘆光風霽月之

所留遺者遠矣雖紅巾肆逆屢陷
烽烟而戶誦家絃今猶之昔不慨
文獻之不足徵者蓋繼往開來先賢
之教澤有以貽之亦重熙累洽

聖世之承平有以致之也小春之月適志
乘稿成為卷十有二為類五十有五

遂州志序

三

余繙閱再三喜其條分縷晰綱舉目
張自天地興山川形勝以及建置
賦役職官學校兵防選舉人物風俗
土宜興夫騷人韻士之歌吟古剎叢林
之興廢災祥稗說之散見博觀約取
繁者刪之缺者補之摭羅富而鑒別

精有美必收無微不信為之趣付手

民於以鏡得失之林而備輜軒之採
是其嚆矢矣豈特區區一方之掌故已
哉余因聿觀厥成故樂得敘其匡
畧以弁諸簡端云

時維

遂州志序

四

光緒三年歲在丁丑孟冬月補用直隸
州同治甲子科舉人選授湖南永州
府道州知州楚北李鏡蓉謹撰

重修遂州志序

國有史所以紀政治邑有志所以致風
俗其體雖殊而備掌故以示遵守弗
務虛詞而歸實錄其政一也顧或謂
康對山臣武功志不過二卷輔邦靖揆
朝邑志僅有七篇簡括尚矣乃近世之

遂州志序

據茅者每於山川道里風土人物建置之
廢興田賦之增減多論事關官府文足
參稽概從簡畧今日刪其可按畧日
苦於多徵其何以信今而傳後哉州
志創始於前明增修於

國初續修於嘉慶丙子而詳明大備則

以黃系舟所輯為最距今將七十年
久而不修久獻何徵歲乙亥余奉檄
來權是州恭逢

皇上承

皇太后諭旨命各直省採訪各府州縣士民
男婦有忠孝節義可風者悉登諸

遂州志序

二

志於是大府有修湖南通志之舉行
取各邑志乘以備採擇余慮多以應
命爰集州人士議之僉謂更修不宥
緩明年春開局於玉城書院散延山長
許君鏡潭纂修之許君年逾八
旬精神矍鑠耄而好學取舊志之

殘缺者目覽多披多問寒暑後商確
於學博洪君宅伯互相考訂遂十有
六月而書成凡十二卷其書視舊志體
例精嚴掌經法史長於考證有關於
忠孝節烈出於至性至情而不宥掩
者益為旁搜采輯事蹟尤詳則見書

道州志 序

三

之且可徵信者實許君悉心纂集有以
成之也余不敢以不文辭爰綴數言
并諸簡端是為序

光緒三年丁丑上元日署道州事

晉陵盛賡謹識

新修道州志序

邑之有志猶國之有史也國史紀一時之政治觀一代之盛衰
揚清激濁勸戒攸關其事固不易故修史者必秉三長始足稱
良史也今之志例雖與古殊而昉班史之志言纂修史之意凡
人物之臧否政事之得失勸戒激揚悉在乎是倘才學識三者
非擅其長烏足以語此哉州志自嘉慶間李公纂修三月藏事
而利弊尚有未詳體裁亦多不協人每議之庚辰夏刺史張學
僑與吾師黃蘊山別駕周文泉損益原書考証舛錯改絃更
張精益求精始成完璧維時清源以後生末學濫廁其間未嘗

道州志 序

一

不幸此書之成紀載核而棄取嚴盡善盡美足以信今而傳後
也咸豐壬子髮逆踞州板焚於火書遂無存前歲中丞涂公
纂修湖南通志檄徵各邑志以供采擇州無以應命也三年矣
刺史盛公下車伊始毅然以修明自任而囑其事於余余老矣
竊念碌碌一生名不入第且知識淺陋老荒於學恐不能勝此
鉅任補茲缺典力為之辭而又慮州志自遭亂以來散帙零落
多不可考嗣今以往日月遞異文獻無徵其何以備采風其何
以存典籍不得已與洪君宅伯共任其事搜尋殘篇訪輯舊聞
凡先賢懿行往哲遺謨山川形勝悉遵前志無俟增刪蓋前志

經吾 師修定體例既精而詳畧得宜也但成於嘉慶末年距
今六十餘載其間人事之變遷政治之因革功烈之彪炳科名
之蟬聯與夫忠孝節義有不能不增入者兼收博采按類參稽
缺者補之訛者正之徵其可信信無不徵俾後之覽是編者於
沿革緩急之由考舊章而得其梗概惟修訂當兵燹之餘地方
瘠苦較他邑而更難此則極費心力余竊可以自問也若夫具
上下千古之識以淵博之學而自成一言之義祖筆削理寓
勸懲燦然秩然不失古史之遺法固有志焉未之逮也敢云著
作才哉

道州志

序


二

光緒四年歲次戊寅正月望日右溪老人許清源譔

道州志

圖






道州志

圖


二



道州志

圖

三




道州志

圖




四




道州志

圖




五






元峯鍾英



宜密獻秀



含暉石室



月巖仙蹤





蓮池



龍王亭






道州志

圖

宏博古酌



士

開元勝地



道州志

圖



十三

修輯姓氏

主修

欽加直隸州銜特授道州知州 李鏡蓉

補用府准補安鄉縣署道州知州 盛 震 捐錢壹百仟文

參閱

道 州 學 正 楊煥琛

道 州 訓 導 傅秉忠

纂修

誥封通奉大夫光祿寺署正 許清源 年八十有四時主講營道書院

道州志 卷之一 修輯姓氏

武英殿校錄瀏陽縣教諭 洪廷揆 時年八十有二

同輯

歲 貢 生 黃芾棠 時年七十有二

歲 貢 生 何其耀 時年七十有二

歲 貢 生 廖元粹 時年八十

恩 貢 生 周選哲 時年八十有四

恩 貢 生 張紹伊 時年八十有四

孝廉方正華容縣訓導 陳立恩

分校

洪宸曜 何應湘 何炳然 許澤洪

何上仁 何貽緒

採訪

何濟川 蔣發身 蔣獻廷 周鍾濂

張宿炳 何慶淪 何致道 白日采

黃恩憲 周嘉宗 左佩玉 廖日文

黃佳采 洪世纓 楊際康 廖正昌

何樹楷 郭鎮南 劉承先 何玉藻

校對

道州志 卷之一 修輯姓氏

文壽世 賀元璽 蔣以光 徐家彥

周大治 賀 郁

董理局務

黃勝日 雷音瑞 何應溥 陳瑞楚

繕寫

黃慶溢 何上欽 許 縉 許 紳

任國權 雷鳴聲 黃錫齡

繪圖

周棠階

州志目錄

方域志卷之一

星野 沿革 山川 形勢增 關隘 疆界

建置志卷之二

城池 公署 津梁 坊表 壇廟 寺觀

古蹟古蹟附

賦役志卷之三

戶口 田賦 積儲 蠲賑增

職官志卷之四

通州志 卷之一 目錄

文秩 武秩 名宦 治蹟

學校志卷之五

御製 舊規 官署 租額 學記附 祭祠

典禮 書院義學考棚

兵防志卷之六

營制增 俸餉屯田附 塘汛驛傳保 冠變增

先賢志卷之七

世家 褒崇 祠祭 優恤 故里 題贈

選舉志卷之八

薦辟 科目 貢員 武科 武弁增 封蔭

人物志卷之九

列傳 列女

風土志卷之十

風俗氣候節令占驗習 土產

藝文志卷之十一

文集 詩集歲曲附

雜撰志卷之十二

狷狷 仙釋 祥異 拾遺增 新採忠孝節義

道州志 卷之一 目錄

二

舊序

余以癸卯歲承乏道州至則值歲艱民困於積逋而政敝於宿蠹執掌究心庶幾弋獲暇乃訪有庫之墟而思有虞氏之命吏考元陽之舊政而想前哲之餘烈遵月巖溯濂溪登元公之堂而挹光霽之遺已乃陟九疑謁舜廟瞻仰徘徊浩然志歸而重華之盛彷彿若見之喟然歎曰道雖小邑亦文獻故國哉典型具存孰非我師役役簿書詎以求理返而稽之郡志率殘缺不可讀其可讀亦荒雜無序蓋自宋清熙太守趙汝誼教授章穎作春陵圖志我朝正統知州盛祥復作春陵志清熙圖志已不可

道州志

卷之一

舊序

考正統志亦未爲成書後來者漫鋟諸梓至於今君子有遺憾矣仰惟我國家文教誕敷罔不漸被雖在遐壤咸有紀述道之山川文物名於古今而紀載顧獨寥寥夫邦有名哲澤而勿章固邦人士之憾亦守土臣之羞也竊不自揆欲圖編輯而局務叢委學苑就荒雖有志焉竟未之逮歲甲辰一江顧子以刑部郎中坐註謫貳州事間嘗論及是志亦每病之余因以爲請曰吾志也當遂爲成之考訂詮次不三月而成編余就取而潤焉其事詳而核其詞富而確其義祖筆削而是非不謬於聖人是故觀於沿革志而古今之變可考也星野志而休咎之

徵也封域志而域民之道可念也山川形勝志而職土之務可講也風俗志以明趨也城池志以作防也田賦土貢志以利用而厚生也志制宇以章度也志秩官以辨等之志名宦以樹風也學校以養士選舉以掄才其表表於世者爲人物而道國元公又非止道之人物而已皆世家此志之特例也祀典志明有報也封蔭志明有勸也兵防以衛民生水利以興民食津梁以利民涉志之凡以爲民也君子處宮室而攸乎階陵墓而興思考古蹟而懷往哲皆志之不可以缺也志曰外君子勿內之矣故以終焉然則茲志也非道之完典乎周禮曰詔觀事則有志

道州志

卷之一

舊序

斯志之成君子樂有觀矣後之仕斯者觀是以考政惠民生斯者觀是以稽古蓄德使斯志不徒爲文技焉此則今日著述之意也是舉也庠生丁子朝相李子尙德李子鍾何子貴實與校閱而發凡立例提綱挈目則一江獨任之余則適觀厥成者也嘉靖乙巳春知州事漳浦王會撰

舊序

維楚之南古脊陵地是曰道州多名山大川及古聖賢名流之遺焉是可無志乎不志不彰志不核不傳彰而傳之存乎人焉爾嘉靖癸卯秋漳浦一川王子以國子學錄來守茲土甲辰春桂以秋官議貳焉王子與余氣相激而道相合也信一時際遇之良哉夫難得者遇也不易立者業也修業以成其遇者人也立功以濟斯民立言以垂不朽者是皆所謂業也矧夫志者所以彰往考來合郡邑數百年之事而爲一家之言備一方之文獻以成天下之盛衰者在是也是非吾人之責乎王子蒞道之

道州志

卷之一

舊序

三

明年敷和於下既有成績矣乃於暇日相與覽勝弔古求古今人物而揚摧之因病舊志之蕪穢懼文獻之無徵而囑其事於余余惟志之名昉乎班史今之志例雖與古殊要亦襲史之意以曲而暢之耳故必兼三長以余之淺陋惡足以知此哉然嘗聞之仕而優則學余時假此以爲學也學以修乎其業成乎其遇者也故不敢辭於是王子移書屬邑使各上其事且搜典故集羣議採衆長爲余指其迷焉余因序志成帙爲卷十有二爲目二十有四而其爲例凡有七焉一曰正始終以立綱維設首之以建置尊王度也終之以外志黜異端也二曰謹分合以明

道州志

卷之一

舊序

四

節目故山川形勝合爲一易所謂地險山川邱陵也田賦土貢分爲二書所謂則壤成賦任土作貢也三曰重紀述以畧辭華故不立藝文之目但各以類而附見也四曰詳附載以約篇帙故鄉都附封域街市附城池物產附土貢宦蹟附名宦書院小學附學校書其大者得以該乎其小也五曰爲圖表以便觀覽故山川封域有圖其陰陽廣袤之形可見也建置秩官選舉封蔭兵防有表其代年名籍之辨可考也六曰起特筆以昭人極故作元公世家重道統之正傳立天下之則也七曰類善行以示風教故德義才名忠孝節義並列於人物所造不同同歸於